



Fondacija tuzlanske zajednice

Vitalni znaci 2019

Konsultacije sa građanima

Razgovor sa članovima mjesnih zajednica na području Grada Tuzle



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocjenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na postovima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 15. juli 2019.

Oblasti za diskusiju: Rad, zapošljavanje, ekonomija i poduzetništvo, te Mogućnosti za početak i migracije

U saradnji sa: Mreža aktivnih zajednica i Grad Tuzla

Lokacija: Grad Tuzla (sala MZ Slatina)

Broj učesnika: 28

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa zajednicama Grada Tuzla koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 23 različitih mjesnih zajednica.

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Mogućnosti za početak i migracije” zadovoljavajuće, te je potrebno uložiti napor da se situacija održi ili poboljša. Dok jedanaest učenika smatra da je stanje u ovoj oblasti zabrinjavajuće, te da situacija zahtijeva ozbiljnu društvenu reakciju.

Predstavnici mjesnih zajednica su se izjasnili da je “zdrava”, “vitalna” zajednica u okviru oblasti “Mogućnosti za početak i migracije” mjesto koje ima normalne uslove života (obezbijeden stan i posao), gdje se efikasno otvaraju mala preduzeća, te mjesto koje ima odličan kvalitet zraka, odnosno okruženje.

Građani nisu mogli izdvojiti ono što je dobro u zajednici u oblasti “Mogućnosti za početak i migracije”.

Ono što treba poboljšati u zajednicama na području Grada Tuzla je kvalitet zraka, odnosno uraditi toplifikaciju, koristiti javni prevoz, a ne auta, postaviti filtere u industriji, te podizati svijest građana po pitanju zraka. Treba poboljšati dostupnost informacija stranim investitorima, uvesti socijalne stanove za mlade i ostale, poboljšati subvencioniranje mladih za rješavanje stambenog pitanja, “prepisati” zakone naprednih zemalja, te dati prednost lokalnom stanovništvu pri zapošljavanju.

Za oblast “Rad, zapošljavanje, ekonomija i poduzetništvo” većina učesnika se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, dok šest učesnika misle da je stanje zabrinjavajuće, situacija zahtijeva ozbiljnu društvenu reakciju, a samo dva učesnika smatra da je stanje u ovoj oblasti odlično, te da možemo biti uzor drugima.

Kada govorimo o ovoj oblasti građani su se izjasnili da “zdrava”, “vitalna” zajednica treba da ima mogućnost zapošljavanja (nova radna mjesta), dobre plate i penzije, usklađeno obrazovanje sa tržištem rada, da ima vladavinu prava i zakona, poštivanje radničkih prava, smanjenu administrativnu proceduru pri otvaranju preduzeća, realne (smanjene) poreze, te pristup sredstvima u Razvojnoj banci.

Ono što je dobro u Gradu Tuzla je turistička ponuda – jezera i manifestacije, industrijska zona Kreka i toplifikacija grada.

Treba poboljšati internet u gradu koji se ujedno veže i za turizam, ukinuti korupciju u svim oblastima, spriječiti nepotizam, poboljšati rad Biroa za zapošljavanje, te poboljšati strana ulaganja.



Mogućnosti za početak i migracije

Građani su rekli

Kako izgleda „zdrava“, „vitalna“ zajednica?

- mjesto koje ima normalne uslove života (obezbijeđen stan i posao),
- gdje se efikasno otvaraju mala preduzeća,
- mjesto koje ima odličan kvalitet zraka, odnosno okruženje

Šta dobro funkcioniše u vašoj zajednici?

Šta se može poboljšati u zajednici?

- kvalitet zraka, odnosno uraditi toplifikaciju, koristiti javni prevoz , a ne auta, postaviti filtere u industriji, te podizati svijest građana po pitanju zraka
- dostupnost informacija stranim investitorima,
- uvesti socijalne stanove za mlade i ostale,
- poboljšati subvencioniranje mladih za rješavanje stambenog pitanja,
- “prepisati” zakone naprednih zemalja,
- dati prednost lokalnom stanovništvu pri zapošljavanju

Rad zapošljavanje, ekonomija i poduzetništvo

Građani su rekli

Kako izgleda „zdrava“, „vitalna“ zajednica?

- treba da ima mogućnost zapošljavanja (nova radna mjesta),
- dobre plate i penzije, usklađeno obrazovanje sa tržištem rada,
- vladavinu prava i zakona, poštivanje radničkih prava,
- smanjena administrativna procedura pri otvaranju preduzeća,
- realni (smanjeni) porezi,
- pristup sredstvima u Razvojnoj banci

Šta dobro funkcioniše u vašoj zajednici?

- turistička ponuda – jezera i manifestacije,
- industrijska zona Kreka
- toplifikacija grada



Šta se može poboljšati u zajednici?

- treba poboljšati internet u gradu koji se ujedno veže i za turizam,
- ukinuti korupciju u svim oblastima,
- spriječiti nepotizam,
- poboljšati rad Biroa za zapošljavanje,
- poboljšati strana ulaganja

Šta ja mogu uraditi da dopinesem izgradnji zdravije i bolje zajednice?

- širim svijest kod građana o potrebi poštenog i skromnog življenja i poštivanju zakona ove države
- apliciram na projekte za sufinansiranje